


— 25 —

FEST KERHUITON (1)



Ne houi - et ket, Pau-tred, Doé - ré bras er bar -
rés Doé - ré bras er bar - réz, Ne houi - et
ket, pautred, ma-lu - ron Doé-ré bras er han - ton, Ne
houi - et ket, pautred, ma - lu - ron Doé - ré bras
er han - ton - gé !

I

Ne houi et ket, pautred,
Doéré bras er barréz ?
Ne houi et ket, pautred, *maluron*,
Doéré bras er hanton

IV

En hi krollet e vou
Ol er hrolleu neñe
En hi krollet e vou, *maluron*
Doh en *akordéon*.

II

Kleñet em es laret
E tavarn er Marh guen,
Kleñet em es laret, *maluron*
'Vou fest é Kerhuition.

V

Get ur verh hemb danné
Et timé er minour
Get ur verh hemb danné, *maluron*
Ha ken truhek el don

III

Ur fest el nen des bet
Biskoah én hur bro-ni,
Ur fest el nen des bet, *maluron*
A Gemper de Redon.

VI

Hé zokig bokétet
Hag hé brohig mod kér
Hé zokig bokétet, *maluron*
En des troeit é galon

(1) Tennet a *Sonnenneu hur Bro ni*, é guereh é ti Lafolye é Guéned. Priz : 6 blank pep rumen.

— 26 —

VII

Donet e hrei a gér
Tuchentil pastellek,
Donet e hrei a gér, *maluron*,
Er choéj ag er hanton

VIII

Er bal hag er *polka*
E vou krollet inou
Er bal nag er *polka*, *maluron*
Arlerh er *rigodon*

IX

Inou, kleüet e vou
E lèh er binieu,
Inou, kleüet e vou, *maluron*
Boéh sklér er *violon*.

X

Inou, ne vou kleüet
Meit sonnenneu gallek
Inou, ne vou kleüet, *maluron*
Meit galleg, *et du bon !*

XI

Aveit diskein galleg
Monet e hrein d'inou
Aveit diskein galleg, *maluron*
Get minour Kerhuïton

XII

Gouiet e hré hemb kin
Touiet pe oé soudard
Gouiet e hré touiet, *maluron*
Ha reskond *oui ha non*.

XIII

De huélet er minour
Deit ol genein, pautred,
De huélet er minour, *maluron*
Eit gobér méh dehon.

JOB ER GLÉAN.

Penaus en devout pear real de zébrein hamdé, hemb labourat, en ur zesañ uigent ruchennad guérén

Bout e zou ruchennadeu guérén gozik é ken lies kër ag er Morbihan, mes ne vé ket hum soursiet kalz anéhé. Er peizant e gav get hou en des grocit erhoalh a p'en des cherret un taul-guérén en ur ruchen plouz hag el lakeit en ur hornig ag é liorh.

Epad tri pé pear blé é vent dilézet inou, betag en dé choéjet get er mestr aveit ou mougein get choufr. Un dra souéhus é guélet el labourér bout ken kri doh é huérén a pe lak kement a boén de gampen el lonned aral e zou tro ha tro dehou...

Hiniù en dé ne zéliehèt ket mui lahein er guérén, rak bout e zou ur fèson aral, éleih guél, de lemel ou mël get hé hemb ou lahein. Me ia de laret d'oh ur gir benak ar zivout er fèson sé, hanaüet a houdé guerso é mar a vro aral, mes nen dé ket hoah forh kumun én hur bro ni.

Bout e zou diù fèson de zesañ er guérén : 1^{re}, é ruchenneu *get téréenneu staget*, hanüet elsé rak ma vé staget en téréenneu doh kosté er ruchen ; 2^e é ruchenneu *get téréenneu distag*, hanüet elsé rak ma